

山西府縣志輯

中國地方志叢刊

乾隆臨汾縣志
民國臨汾縣志



中國地方志集成

山西府縣志輯 ④6

乾隆臨汾縣志

民國臨汾縣志

鳳凰出版社 ● 上海書店 ● 巴蜀書社

叙

臨汾邑志肇修於萬歷辛卯
安肅邢公越八十餘年至康
熙癸丑而莆田林公修之又
四十五年康熙戊戌瀛海宮

叙

一

公修之又十二年雍正己酉
而大興徐公修之自是以後
至於今已五十年當我

皇上久道化成重熙累洽之日士
習民風蒸蒸日上其間純臣

義士孝子節婦接踵而起者

指不勝屈而編次之事尚未
有繼者余以丙申歲承乏茲
土下車之後邑紳士卽有以
是請者余方以不敏辭旣逾

叙

二

年政務稍暇諸紳士之請益
力用是不揣禱昧爰及同志
廣搜博採因於舊志缺者補
之悞者正之冗者刪之疑者
闕之凡爲綱十爲目四十有

叙

三

八分門別類訂爲成書復與
紳士之有學行者討論商榷
至再至三托始於戊戌之秋
七月凡四閱月至冬而告竣
極知謏陋不足與於作者之
林其於一邦文獻惟恐散佚
亦猶前人志也筆削折衷歸
於至當是望於後之君子是
爲叙

乾隆四十二年歲次戊戌冬

叙

四

十月文林郎知臨汾縣事庚
辰恩科舉人和陽高塘撰



叙

周官小史掌邦國之志司農
云志記也春秋傳所謂周志
國語所謂鄭書之屬是也外
史掌四方之志康成謂若魯

叙

之春秋晉之乘楚之檮杌是
則志者一國之史也自秦變
邦國爲郡縣而郡縣之志興
焉若常璩華陽國志陸機洛
陽記山謙朱育之吳興土地

記類不勝舉皆載一方之山

川原隰土俗民風使人物其
土宜明其利害達其志而通
其欲齊其政而脩其教志之
所關亦綦重哉然昔人有言

叙

二

作史之難莫難於表志後世
作者旣乏三長徃徃扳援先
哲附會古蹟非誇多鬥靡卽
因陋就簡昧作史之法失立
教之本雖有志亦奚爲焉乾

隆丁酉余視篆襄陵聞臨汾
高明府梅亭有事邑乘心
竊臆之已亥春梅亭以憂解
組余自偏關來宰是邦詢及
志事則稿已脫而剗劖未竟

叙

三

也遂以見委且求潤色余取
其書而讀之喜其文獻足徵
無支離穿鑿附會之說而一
邑之山川原隰土俗民風較
若列眉洵足有裨於化理以

視古昔邦國四方之志雖未
知何如其常璫以下允堪媿
美矣梅亭蒞此數年循聲
遠著余於一切吏治悉循其
規範則於是書亦何敢輕爲

叙

四

增損歟刻旣竣爰以弁其簡
端
乾隆四十四年歲次己亥夏
五月文林郎知臨汾縣事承
清吳士淳撰



叙

五

臨汾縣志舊序

邢雲路

邢雲路曰粵若稽古帝堯便章百姓百姓昭明斯民也自堯封歷百代文獻在焉壯哉汾邑實陶唐昭明之國而乃方策散逸誌錄爲缺者幾數千百年雖間有類述之者顧於是邑也攷焉而弗詳有之信焉而或舛有之亡微不信其誰與從僕乃馳騁前古蒐括隱臚綜覽名物計心輯衆成爲一家俾一同之中三才之道備焉賤臣小材敢揚斯緒上自黃唐迄於今日通爲邑志凡九篇其叙曰

臨汾縣志

舊序

一

參絡儲精冀方辨土北屋可封風淳自古陟彼姑射頻眺康衢埤封百里利我上腴永奠乃家出作入息尹臣司汾是圖是職述地理志第一

土階茅茨構自堯墟基命定命厥制不渝於顯康邑既麗且都二衙學館治教惟先雲氣山林官闕像焉棲真曠景給與相連興革從道述者之賢述宮室志

第三

禹乘四載帝都是亟吹澮順經艱食乃粒振古若茲沃土母逸平汾汾源洞溝漉汙舉揅興雲決

勉哉勸農利我不忝述溝洫志第三

先王攸寶土地人民洪範首政食貨惟均生齒登耗
原田稼穡和調公旬艱哉民力勤斯不匱物產在焉
不貴異物生生乃恬述田賦志第四

地醞正氣神堯載典多男衍緒傳於漢京伊初舊墟
康衢遺墅協帝我皇纂

堯之緒澤潤汾川民止其所述帝系志第五

剖符百里爲民保釐秩事以次官師相維牧存愛軌
訓樹芳規範我後人如何勿思述職官志第六

臨汾縣志

舊序

二

於饒唐封坤靈雄鉅乃毓碩人蜚聲宏樹顯隱願登
歸潔則同名並河山相爲始終述人物志第七

履降豐荒吉凶悔吝何省非予天尤人勝告往知來
畏茲明命亦有異端佛老之術疑以傳疑智者不惑

述祥異志第八

篆肇頡史典傳陶唐邈矣文明實興是邦述作代育
後先相望天籟吹萬大籟砰訇如予處壁亦得瑤瑤

述藝文志第九

林宏化

昔人有言誌國邑者權輿於禹貢及周禮之職方璽

孟堅因之作漢地理志至後代皆有書而郡與邑又
皆自爲紀乘誌之由來尙矣夫亦曰因事以徵文因
文以徵事辯疆域正人心益治平扶風教非此不爲
功迺言循道遠文繁旨垂史之盛經所以靡也則志
似可已雖然志又烏可已哉夫史以續經而歷代皆
有史志以翼史王朝重采風而方域獻圖籍志與史
固相表裏者也昌黎文起八代退謝不敢言史而柳
州深致意焉誠重之也倘以志爲末務坐令文獻闕

臨汾縣志

舊序

三

焉弗講則前者罔聞後者莫攷將所謂辯疆域正人
心益治平扶風教者安在耶余承

續命謬分符臨汾拜帝堯之神祠而茅茨猶存識民風之
儉也尋蒼頡之故里而馬篆可觀得文字之始也以

及望姑射如見冰雪之姿焉溯汾流不忘大禹之烈

焉稽古有懷撫今動念不禁慨然曰臨汾固晉中一
大都會也誌之弗備能無遺憾與然地衝政繁日夜

不遑時恐頤越簿書之餘當披覽舊志矣舊志者安

肅邢公修於明萬歷年間舉綱張目亦當世得失之

林也其足備史家採擇固自有在然世異則法創名
因革時久則事故有損益我

國家文治日益盛政教日益興人才日益懋天道協於
上人事應於下駸駸乎有加無已倚歟休哉雖遐方
典章務必悉舉於是

詔天下郡邑紀乘各爲刪定而纂績之昭隆軌大一統也
余奉檄增脩敢不殫精竭慮窮幽闡微乃與淹貫經
史之趙廣文采攬舊聞并延邑中之文望素著學行
公正者訪輯輿論共襄厥成分門較類則仍乎舊宗

臨汾縣志

書序

四

前哲也至於刪繁就簡各從其例而續以新裁則又
竊取之義也後有因事徵文因文徵事以潤色宏藻
成一代盛業是予之願也夫是予之願也夫若乃爲
國家助流文教宣力政治明天道於勿悖辨人事而罔
違則實余之執掌簿書惟恐隕越敢不勉旃以貽志
乘羞凡蒞茲土而觀茲志者當作如是觀

徐三俊

余荷

殊恩於丙午仲冬蒞臨汾吏以縣志進體裁詳整文簡

較該具有良史才顧不能無疑者其於一時民風

不勝好利樂禍之慮夫臨汾古唐封憂深思遠其風

其盡泯焉者乎何遽如所言之甚耶既又有以賦籍

進者則積逋逾十年數且逾十萬繭絲不可爲逃賦

朝可訓也噫信矣時歲已云暮頃未知端緒所在明

春從太守後勸農四郊則見夫山川如故風景無

殊習詩書者勸茲訓而秉耒耜者安履襪絕無所爲

剽悍強鷙之習也前之所信者又不能不轉而爲疑

因旅進諸父老於庭問所以適貽狀對曰歲苦旱有

臨汾縣志

書序

五

年所矣庚子辛丑赤地千里當是時救死且不贍幸
載

聖祖仁皇帝發帑蠲賑吾民始得有今日不然人之不有其

皇問賦更叠諮詢對畧同則詔之曰爾民亦知念

主德乎即逋賦得至於今亦

上德也而不思所以報則

國有常典徒負惡名以爲天下後世羞其曷早爲計且

工之所以爲爾民者亦至矣奈之何爾不自爲耶語未畢

諸父老感且泣謂吾民誠負

雖然亦何敢終負願為數多誠不能須臾供願得官楫
先後且願得少寬假遂各自為限而去飲惟我

皇土軫念民瘼輕徭薄賦美不勝述

諸憲臺又皆仰體

皇仁惠養時殷比年感召

天和連登大有民力用舒新舊賦皆得以次清完不寧惟是
頃軍需駢厯凡有作料與諸能工作之人無不踴躍
輸効與之直必再三詔之而後肯受而又爭先捐輸
務圖申報嗟乎好利而樂禍者願能若此耶然則

臨汾縣志

舊序

六

無可信而擬可擬也蓋屢欲為諸父老一述

而時有未遑亦才有不逮適奉

旨修山西通志檄徵各郡縣志以備考核而戶口有歸併
田賦有增墾多舊志所無余乃不得不以不才辭於是
增闕補遺時有損益而大槩規模一切仍舊則猶是
述而不作之遺惠事既竣復進邑孝廉王子名穀徐
子文鳳鄭子維綱王子師諸君子商確考訂舉無異
議焉願余深有望焉者吾民幸得生堯舜之地又得

幾

堯舜之君尚其士修實行襄勳力作以日邁於比屋可終
之舊庶不至我疑前人復使後之人疑我也云爾

臨汾縣志

舊序

七

臨汾縣志發凡

一前任修志之人各載序文一篇其餘繁辭複說一概

從刪

一沿革俱本史傳系以他書舊志多無稽之談故不敢

苟從非好為攻擊前人也觀者諒諸

一田賦悉照地糧奏銷額冊登載其他若更名諸項今

俱歸併故悉不錄

一設科文武並重舊志於武科極為率爾今詳載之

一人物不載現存之人惟孝子節婦已受

臨汾縣志

發凡

一

旌表及節婦雖未

旌表而現已合例者存之餘俱不錄

一藝文首擇其有關政治風化者次擇其足資考証者

其文以人重者亦量存一二餘俱不錄

一每篇之後各附小論一則鄙意所存備見於此茲不

復贅

梅亭氏識

續修臨汾縣志姓氏

纂脩

知臨汾縣事

高 峙 直隸南和人

知臨汾縣事

吳士淳 直隸永清人

收掌

臨汾縣教諭

馬先覺 舉人

臨汾縣訓導

韓 垣 貢生

監造

臨汾縣典史

朱秉鈞 海鹽人

臨汾縣志

卷一 姓氏

編輯

布 衣

呂 淙 直隸南和人

進 士

吳克元 襄陵人

經理

原任廣東連山縣知縣

王季光 邑人

候選通政司經歷

樊 基 邑人

較正

進 士

李遇春 邑人

舉 人

劉大智 邑人

舉人

劉大賓

舉人

樊士鑑

舉人

張允楫

賢刊較字

原貢生

王天錦

臨汾縣志

卷一

姓氏

二

臨汾縣志目錄

卷首

序

舊序

圖

凡例

姓氏

目錄

卷一

臨汾縣志

卷首目錄

沿革志

卷二

地理志

疆域

分野

山川

風俗

城池

卷三

田賦志

地糧

雜稅

戶口

物產

卷四

祀典志

秩祀

羣祀

卷五

學校志

學官

祀祀

學田

卷六

職官志 知縣 丞簿附 典史 城守司

卷七

選舉志 薦辟 進士 舉人 貢生 武科 援例 封贈

卷八

人物志 宦績 忠義 孝友 義行 文苑 隱逸 方伎 流寓 列女

卷九

祥異志

卷十

臨汾縣志

卷首 目錄

藝文志一

藝文志二

藝文志三

卷末

雜志

臨汾縣志卷一

沿革

粵自古聖畫土分疆正名辨物厥類惟彰迄於後代紛更靡常窮源竟委若網在綱志沿革

唐 爲堯都冀州之域

按春秋命歷序云人皇氏分九州神農始立地形甄度四海漢地里志云黃帝旁行天下方制萬里畫野分州帝王世紀云冀堯青徐揚荆豫梁雍潁帝所建帝嚳受之祭法云共工氏之霸九州也其子曰后土

臨汾縣志

卷一 沿革

一

能平九州則九州之名舊矣然年代遼遠書缺有間其疆域莫得而詳故今述沿革自堯爲始漢地里志河東郡平陽縣堯都也在平河之陽括地志云今晉州所治平陽故城是也後漢郡國志平陽侯國堯都此晉地里志平陽舊堯都帝王世紀云堯始封於唐今中山唐縣是也在今定州後徙晉陽今太原縣是堯又爲天子都平陽鄭氏詩譜云太原晉陽堯始居此後乃遷河東平陽則堯都之在今臨汾明矣而府志云其故城在今平陽府翼城縣西二十里按括地志

云故唐城在絳州翼城縣西二十里卽堯裔子所
是在翼城者堯裔子所封非堯都也漢書音義臣瓚
曰唐今河東永安顧寧人曰永安乃今之霍州亦非
也

冀屬冀州

省志屬并州按馬氏云舜以冀州之北廣大分置并
州朱子云舜分冀東恒山之地爲并又東北醫無閭
之地爲幽而冀止有河內之地今河東一路是也宋
史地理志河東路府三太原隆德今潞平陽據此則

臨汾縣志

卷一沿革

二

平陽之仍爲冀州無疑也

夏屬冀州

禹貢之文甚明 按應劭云平河之陽堯舜並都之
帝王世紀云禹受禪都平陽或在安邑據此則舜禹
之都亦俱在平陽而蒲坂安邑乃其別都也

商屬冀州

按漢地理志云殷因於夏無所變改宋州郡志亦云
自虞至殷無所變改爾雅九州兩河間曰冀河南曰
豫河西曰雍漢南曰荆江南曰揚濟河間曰兗

曰徐燕曰幽齊曰營孫炎云此蓋殷制孔氏云禹
有梁青而無幽營周禮有幽并而無徐營孫炎以爾
雅之文與禹貢不同又與周禮有異故疑爲殷制耳
按二說言殷之九州小異然兩河間曰冀與禹貢職
方所言冀州之地未嘗不同也

周屬冀州爲唐侯國後改曰晉三家分晉其地屬韓
按周官職方氏河內曰冀州其山鎮曰霍山其澤數
曰揚紆其川漳其浸汾潞鄭氏云揚紆未聞以霍山
汾水推之故知仍爲冀州也 鄭氏詩譜云成王封

臨汾縣志

卷一沿革

三

母弟於堯之故墟曰唐侯南有晉水後子燹改爲晉
侯左傳昭公元年遷實沈於大夏唐人是因其季世
曰唐叔虞當武王邑姜方震大叔虞帝謂已余命而
子曰虞將與之唐及成王滅唐而封大叔焉服虔曰
大夏在汾澮之間杜預曰大夏今晉陽縣顧寧人曰
齊桓公伐晉及高梁而還而封禪書述桓公之言以
爲西伐大夏大夏之在平陽明矣今按高梁在縣北
十里以左傳史記互証則唐叔之封正在臨汾服杜
之說似未爲得實 府志云韓康子食邑魏都安邑

取平陽于是平陽又屬魏按史記韓世家貞子徙居平陽宋忠曰今河東平陽縣世本云韓景子徙平陽竹書紀年晉烈公元年韓武子都平陽武子者貞子之元孫也又四十二年為晉靜公之三年而韓徙都於鄭史記韓哀侯二年滅鄭因徙都鄭是也又三十二年而魏惠王徙都於大梁史記魏惠王三十一年徙都大梁今從史記又三十二年為楚懷王之一十年昭睢曰秦破韓宜陽而韓猶復事秦者以先王墓在平陽而秦之武遂去之七十里以故尤事秦是

臨汾縣志

卷一 沿革

四

時為魏哀王之十年而韓尚有平陽也又十有七年為秦昭王之十四年白起取韓安邑以東到乾河郭璞曰今河東聞喜縣有乾河口是時為魏昭王韓釐王之三年而韓尚有河東之地也其去魏徙大梁之歲已五十餘年矣詳檢書傳不知魏都安邑而取韓之平陽果在何時或以地志星經多以河東為魏地者故為此說不知諸書特以大畧言之其犬牙相錯之處固不能盡詳也

秦屬河東郡秦楚之際為魏豹鄉

按漢書地理志後漢郡國志皆云河東郡秦置故知屬河東郡也縣名無考然當時郡縣之名多因戰國之舊如西河上郡則因魏之故雲中代郡鴈門則趙武靈王所置上谷漁陽右北平遼東遼西則燕所置平陽自戰國以後至漢而尚有其名則或漢因於秦秦因於戰國相承而不改者也舊志云楚漢間項籍立魏豹為魏王王大梁嗣徙豹河東郡為西魏王都安邑按史記秦二世元年九月豹自立為魏王都平陽漢元年項羽徙豹為西魏王都平陽不言有都

臨汾縣志

卷一 沿革

五

大梁安邑之事至淮陰侯傳云襲安邑虜魏王豹者蓋是時豹絕河關反漢盛兵蒲坂塞臨晉故信從夏陽渡軍襲安邑也豈得誤讀此文遂以為豹都安邑哉

漢為平陽縣隸河東郡莽曰香平

舊志漢分天下為二十四郡而此地屬河東郡按漢地理志漢興以秦郡太秦初分天下為三十六郡後置桂林南海象郡閩中合四郡稍復開置又立諸侯王國故自高祖增二十六

文景各六武帝二十八昭帝一訖於孝平凡郡國一

百有三郡八十三則云漢分天下爲二十四郡俱也東漢爲平陽侯國隸河東郡司隸校尉部

郡國志云世祖中興惟官多役煩乃命合并省郡國十縣邑道侯國四百餘所明帝以後復有增置至於孝順凡郡國百五縣邑道侯國千一百八十按此則郡之所屬有縣邑有道有侯國之不同平陽前漢爲縣後漢爲侯國舊志云後漢因之亦稍有未審魏爲平陽縣隸司州平陽郡

臨汾縣志

卷一 沿革

六

三國魏志少帝正始八年夏五月分河東之汾北十縣以爲平陽郡晉地里志亦云魏少帝增置平陽後魏地形志以爲晉分河東郡置非也晉地里志魏氏受禪司隸所部河南河東河內宏農并冀州之平陽合五郡置司州故云司州平陽郡也

晉爲平陽縣隸司州平陽郡晉東遷爲劉淵郡

舊志云晉分冀州之地爲郡國二十九此地爲平陽河東二郡按晉地里志司州十二郡其五爲平陽郡故屬河東魏分立統縣十二其一卽平陽也其六爲河東郡統縣九舊志所云此地爲平陽河東二郡者

非也晉載記永嘉二年劉元海劉儗卽皇帝位史令宣于修言之于元海曰蒲子崎嶇非可久安平陽勢有紫氣兼陶唐舊都願陛下上迎乾象下協坤祥於是遷都平陽按淵故城在今治西南二十里金店鎮其遺址猶有存者

後魏爲平陽縣隸晉州平陽郡

後魏地形志孝昌中置唐州建義元年改晉州治白馬城領郡十二平陽郡其一也平陽郡領縣五其二爲平陽縣蓋以州領郡以郡領縣後魏之制也舊志

臨汾縣志

卷一 沿革

七

云改晉州置總管府州仍爲郡非也其置總管府亦後周時事又按平陽城之爲白馬城始見於此舊府縣志皆云魏豹所築史記無文惟水經注云汾水又南逕白馬城西魏郡白馬而築之故世謂之白馬城則此城之築在魏正始八年分河東爲平陽時而傳聞之訛乃以爲魏豹也

北齊爲平陽縣隸晉州平陽郡

後周爲平陽縣隸晉州平陽郡

按北齊後周二書及李延壽北史皆無志故其郡縣

之沿革莫得而詳今以隋地理志考之臨汾注曰
魏曰平陽并置平陽郡開皇初改郡爲平河縣爲臨
汾言開皇初始改則自後魏以來訖於齊周郡縣之
名並仍其舊也

隋 爲臨汾縣屬臨汾郡

按縣之名臨汾自此而始漢地理志後漢郡國志晉
書地理志後魏地形志皆有臨汾縣與平陽縣並設
平陽爲今之臨汾而所謂臨汾者乃在今襄陵之
南絳州太平之間故水經注云汾水又南過平陽縣

臨汾縣志

卷一 沿革

八

西又南過襄陵縣東又南過臨汾縣東也後乃併於
絳州太平隋書地理志絳郡正平縣舊爲臨汾開皇
十八年改爲正平今絳州太平縣後魏置後齊省臨汾
縣入焉此兩漢以來之臨汾縣也其今臨汾縣之名
則自隋始隋地理志云開皇初改平陽爲平河郡平
陽縣爲臨汾縣開皇三年罷天下諸郡以州治民無
復刺舉之任於是平河郡爲晉州大業初併省諸州
改州爲郡爲臨汾郡義寧二年復改爲平陽郡今云
隸臨汾郡者從隋書也

唐 爲臨汾縣隸河東道晉州

唐地理志唐興高祖改郡爲州改太守爲刺史武德元年

于是州卽爲郡非如前此之以州統郡也太宗分天

下爲十道元宗分天下爲十五道此地皆隸河東唐

六典杜氏通典開元中定天下州府爲四輔六雄十

望十緊及上中下之差而平陽爲望郡臨汾爲望縣

五代梁唐晉漢周 皆爲臨汾縣隸晉州

五代史職方考五代皆有晉州之地故屬護國軍節

度梁開平四年置定昌軍貞明三年改曰建寧唐同

臨汾縣志

卷一 沿革

九

先初改爲建雄今建雄驛尚沿其名也

宋 爲臨汾縣隸河東路平陽府

宋地理志平陽府望平陽郡建雄軍節度本晉州政

和六年升爲府按平陽之爲府始於此 又至道二

年分天下爲十五路天聖析爲十八元豐又析爲二

十三而平陽臨汾皆隸河東路也

金 爲臨汾縣隸河東南路平陽府

金地理志朱河東路天會六年析爲河南北路平陽

府上初爲次府置建雄軍節度使天會六年升總管